

象山縣誌（民國）七

先賢五補傳目

象山縣志卷二十六

勵元澳 胡宗霖 和蕭修

翁在鐸 周丹忱 余勉翰 潘

煦 周學謙 沈炳如 沈子瑞廷 孔繼銘 虞峻 鄭維春

弟勝維元祥 倪本泗 史錦標 謝濤 王蒔蘭 弟蒔蕙 歐景岱 兄景辰

鄧克旬 如吳臨 陳之翰 弟素濤 王大川 蘇良彝 何涵 兄源

逢勵光 俞兆元 吳承培 王予盧 予袞 陳得善 弟得森 歐

仁衡 賴餘董

先賢五補傳

勵元澳字啟中父錫祉能文章見重當道康熙三十九年隨知縣胡祚遠赴都館溫相國府嗣隨皇六子允祚及相國出塞北十年音書斷絕元澳四歲卽不見父成童欲出尋家人不許至入縣庠乃力請於祖母暨母曰家有二兄在仰事不虛元澳必出且游而有方書招卽可回不久滯也北上數四淹留十餘年出山海關至錦州盛京奉天不遇益北至吉林烏拉嶺東南出鳳凰城直至高麗終不遇號哭而歸乾隆二十三年十月始抵家七日卽病飲恨銜恤以歿年六十二所著詩名愁中集皆在外三十年中血淚也

省志採訪稿

胡宗霖縣學生性孝友父母疾親嘗藥餌事兄老而彌篤卒

葬同穴家少康捐錢五十貫倡造他山橋以利涉生平不談人短不炫己長嘉慶元年舉孝廉方正不忍與兄弟遠離辭不就卒年八十六縣西鄉蕭胡邨人也同邨蕭修和國學生事親甚謹寢食手自點檢溫清以時父有疾藥必親嘗衣不解帶一日父遊山而跽手觸枯枿透出掌背修和躬訪名醫求良藥一赴甯海兩越重洋不憚遠道不惜重資父創良愈後壽終停柩在堂守臥柩旁三載盡哀盡禮

縣移公
舉事實

翁在鐸幼失母倪氏哀哭如成人孝事父克佐父病默禱於天以身代聞古孝子有嘗糞事日嘗糞味苦而喜不苦而憂刲股肉和藥以進父病獲痊後母歐氏性下急少不悅卽擁被臥鐸長跪床下呼母不絕聲搏顙自責不命之起弗起也

嘗令採桑期必得在鐸徧覓無有乃負簾裹糧渡海至奉化境見古桑一本童童然昂值以市之道旁有語者曰此桑聳幹危險土人棄之猶道旁苦李也在鐸竟採之歸復命後母爲之色喜其娛親心類如此迨父及後母卒推父母之心以愛異母弟每推豐而取嗇遠近莫不以孝友稱之道光二十三年八月卒壽八十六歲縣人王蒔蕙爲之傳

浙江通志
採訪稿

周丹忱字懷赤又字葵圃父銘縣學生丹忱少好學老而不厭孝于親友于兄弟睦于鄉黨以莊蒞妻子而以敬處交友之間外若簡曠而是非利害之際甚嚴餽於庠以歲貢生終鄞董沛銘其墓

正誼堂
文集

余勉翰字韋廬道光癸卯科舉人先世有名本者與修縣志

以學行聞勉翰幼聰敏讀書目數行下肄業郡城先爲文一篇出視同學學人以意讀之謂平平無奇思乃取而點句句股更出視之則大欽服鄉試中式後課讀更嚴每日聞雞卽起冬月夜寒以木棉著布衾圍坐椅覆足而手憑几繙書冊致皸瘃不恤也當校讀時或欣喜終日或怒不可解或深思廢寢食諸生來請業者亦課之讀辭色不少假而慈愛過其父母客或來塾中閒談懼廢諸生業必拱立其旁客相延坐不坐皆不久卽去某科鄉試五經題有周尺八尺爲步一節郡人應試者幾至攜筆勉翰爲疏析經注疑義始知經之不可不讀云兩上春官薦而不售得咯血疾小愈適有童時受業師以試事卒於郡城勉翰迎其柩於路大慟而號血湧出

不可止遂至不起年三十六妻胡氏撫二子就學長熾宜江蘇侯補縣丞次燮宜能詩皆早卒二婦俞氏侍姑守節以終稱一門三節婦焉勉翰著述皆爲人於二子喪時攫去傳者止戒口業文及札記數則而已

綴學堂
初稿

潘煦字春士父型歲貢生煦受庭訓持身迂謹言笑以時步趨不苟弱冠入府學舉優補增廣生循例入成均設教石浦金山書院就學者戶外屨常滿平居喜吟詠與皋蘭張同知兆熊海甯陳學博宗浩結詩社相唱和年八十猶競聘爲人師所得束修不置田產時以周卹親族一姊歸秦氏者寡居家中落煦迎養以終

縣移公
舉事實

周學謙字吉雲父奠邦武舉人學謙性孝友慷慨豪邁有奇

氣讀書不爲章句學援例以貢生候選知縣實授山西大同

府張皋兒

案張家口之誤

豐鎮廳巡檢其地當邊塞衝民俗獷悍喜

構訟學謙遇事判決如流在職九年有政聲咸豐七年父憂去職迨服闋座師朱方伯招之再出仕以母歐氏宜人年老辭母性勤儉躬親家常瑣務不令諸子婦代勞學謙先意承志每日至寢室問安有座上客必告其姓名母病親嘗湯藥背痛手親按摩有呼必謹唯諾自浣廁踰亦不令諸子婦代也事母二十五年母卒哀慟若孺慕年六十一服喪未終病卒囑家人以布服殮焉弟倣元增廣生學讓候選縣丞學謙愛之老而彌篤入必聚居食必分甘怡怡如也生平急公仗義同治丁卯光緒壬午連歲逢西鄉水災民大饑學謙兩赴

省垣請賑各得賑銀千餘兩全活甚衆其他卹貧拯冤事甚衆家業爲漸衰亦勿計云

縣移公舉事實

復莊
文權

沈炳如字豹章又字亦仙咸豐元年舉人時廣東蚱蛄艇已招降仍橫行海上炳如團鄉勇禦之閭里恃以安謐粵寇陷縣城各鄉偏設僞職人或以利祿誘之或以威武逼之炳如不爲動其心修宗譜不受酹金排難解紛一鄉無涉訟者子瑞廷字形甫生有至性幼讀詩至哀哀父母句卽涕泣年十七侍父病六閱月親嘗湯藥不少懈痛父爲醫者藥誤卽不求仕進徧閱方書出療人疾莫不應手效來求診者不計寒暑旦夕輒徒步往後亦不受謝竟以附貢生終同族沈在恆

亦附貢生秉性慈祥遇歲饑荒卽出粟賑貧者族中或婚娶
乏資卽出錢助之有以祀田賣人者爲贖還不責償卹外大
溪水暴發行者病涉在恆獨出鉅貲創造石橋又割腴田五
十畝爲義莊顏曰承志堂民國四年縣知事呈請褒揚得獎
好行其德四字匾額

縣移公
舉事實

孔繼銘字金明一字鑑鼎幼聰慧善讀書從越中屠湘之先
生學數年益工爲文年二十三入縣學貌豐皙見者推爲玉
堂人物秋試再躋遂援例爲增貢生絕意仕進弟繼忠折產
凡擘畫田舍財帛事悉聽弟所爲或以匿私譖者繼銘拒絕
之曰業皆先世所遺鈞捌出入皆弟力我兄弟夙友愛弗妄
言也歲製棉衣施貧者家事付子廣仁攻岐黃及堪輿家言

以自娛修成大溪蔣邨石橋以利行人議叙得訓導咸豐九年卒年五十八孫昭藜壬午舉人雲和訓導昭華昭葵均庠生曾孫憲斌浙江法政專門學校畢業生

縣移公
舉事實

虞峻字竹亭世居爵溪爵溪故明千戶所也民俗强悍峻因導以知方咸豐四年爲恩貢生十一年粵寇竄縣城悉索爵溪物貢爵溪民謀起義峻爲講戚氏束伍法精練而後出無躁進無貪小利爵溪民氣奮不可遏不用峻言遽樹布旗戴竹盃操鳥鎗及耨鉏以出出而爲寇所距峻急謂其留者曰此出不利必受其害盍登城爲守禦計守禦未周寇踵至沿路焚掠迫所城峻督守城者發紅衣礮一擊未中倉猝閒未洗礮而納火藥衆謂礮通紅必炸乃再發而殲寇之麾大旗

者寇奪氣且望城上人甚衆一將匹馬出城門甚勇急收隊
返縣城爵溪得免兵燹而峻亦遷居潘家橋邨農種自給一
日有前及門爲弟子者污僞命乘馬從數卒過峻所耕田畔
峻急下笠簷掩其面如未見焉者同治元年舉孝廉方正峻
辭不就主善後局事與修縣志主講纓溪書院十餘年以五
經八銘課士終日衣冠危坐雖暑月講誦不倦人不能干以
私晚歲辭院長席就教家塾仍課人誦經雖逾冠經不熟必
使之成誦無一字少誤乃已家故貧脩脯外一介不取而飲
助貧士無少吝嘗有僞爲峻父借券者責之償苟詳辨之其
僞立敗而峻以券有故父名不忍涉訟遂如數償之又精岐
黃術凡貧人求診視者不問其酬謝否也少居爵溪時與縣

城友人結文會朔望會畢必夜歸爵溪出縣城有二道一經山嶺迂而遠一經海塗徑而近峻一夜由海塗行過天打巖忽遇一樵夫口操紹興語語峻海潮卽刻上此道不可行示以山閒之蹊云自此即可達爵溪西城峻從其言獲免滅頂之凶後訪爵溪人並無此樵夫有老農謂數年前有紹興人客死爵溪稿葬海山衆方知峻所遇而告以塗徑者乃其鬼也又峻設帳縣城外東寺時忽夜半有叩山門者峻方改生徒所作文未睡聞之呼館僮出啟關不應呼生徒亦已熟睡矣峻自出應之一人衣長衫入辨其面目不似生人肅揖進室不語移時而去蓋峻平素積誠所感有如是者徧縣中無知不知皆稱曰虞先生而不名卒年八十四子四長名潤有

文才弱冠入縣學早歿峻所著有見心錄七卷望海居筆記
無卷數皆散佚止存文詩數首民國三年合縣士民公請入
祀鄉賢大總統褒爲一鄉善士士民猶未謂允稱也

公舉鄉賢事實

嚴學
堂初稿

鄭維春字月峯先世自興化莆田遷居象山石浦咸豐四年
紅巾劉麗川踞擾上海縣維春奉札分帶夾板艇壯勇六十
名從廣東千總劉某進攻之五年克復上海蘇松太道獎給
六品功牌繼而粵寇陷紹興府甯紹台道張景渠立保衛公
局於甯波北門外招維春入局十一年十一月甯波又陷維
春自出資募銳勇三百名與英國領事夏福禮防堵江北岸
寇不敢渡江

本員稟呈

同治元年夏四月夏福禮得其國王書願

出外國兵助勦維春鉤得之以告鄞縣內閣中書陳政鑰政

鑰大喜

文正集 誼堂

時張景渠與提督陳世章等奔往定海政鑰

遣使迎之并招鎮海附寇酋范維邦爲應內維邦受命卽克
鎮海而提督巡道率諸軍直達江北岸規復甯波寇死守不
下維春已由監生報捐雙月同知添募鄉勇二百名合前三
百名號常福軍卽率所領縛長梯傅府城東靈橋門下英國
參將科諾華先登中礮彈顛下維春麾中外兵繼進手發鎗
擊黃衣賊目立斃英將呿樂德克連放炸子礮

鄞縣志

維春首

先登陣寇不能支開西南二門分路竄去卽克復府城巡道
史致諤叙功保舉免補同知卽選知府賞戴花翎旋獲前踞
象山僞參天豫顧廷菁正法秋七月從中外諸軍進克上虞